

Thawj Tsavxwm Tej Kev Xav

Muaj ntau zaug kuv rov nug kuv tus kheej tias, kuv puas yog ntsej muag ncaj siab nkhaus. Kuv xav tias cov ntseeg los yuav nug tibyam li no thiab.

Qhov no tsis yog lam hais tiamsis yeej muaj li ntawd tiag, vim peb coob tus yeej yog ntsej muag ncaj siab nkhaus. Qhov uas lwm tus hais tias yus yog ntsejmuag ncaj siab nkhaus vim yus lubneej tsis phim yus txoj kev ntseeg. Raws li Tswv Yexus qhia neeg ntsejmuag ncaj siab nkhaus yog 3 yam li no:

1. Pom lwm tus tus saus muag tiamsis tsis pom yav cav taws uas nyob hauv yus lub qhov muag.
2. Khav yus txoj kev ncaj ncees tiamsis thum lwm tus tias yog neeg txhaum.
3. Lub ncauj qhuas Vajtswv tiamsis lub siab tsis npuab Nws.

Txawm li cas los xij, nco ntsoov Tswv Yexus cov ntshav uas ntws saum tus ntoo khaublig muaj hwjchim los pab kom peb dim peb lub txim. Tswv Yexus tibleeg xwb thiaj pab tau peb. Xyoo no lub rooj sablaj txwm xyoo peb thiaj xav kom sawvdaws kawm txog "Jesus Only" (Tswv Yexus Ibleeg Xwb).

Kx. Nom Lwm Kwm Thawj Tsavxwm HKM

"Peb cov uas muaj kev ntseeg ruaj lawm, tsimnyog peb pab cov uas kev ntseeg tsawg, thiab peb tsis txhob ua kom haum peb siab xwb. Peb txhua tus yuav tsum ua kom haum peb cov kwvtij uas ntseeg siab, thiaj yuav pab tau lawv, kom lawv muaj kev ntseeg ruaj." (Loos 15:1-2).

Rooj Sablaj Txwm Xyoo



txog "Jesus Only...the source of our family."

Dr. Ntxawg Xoom ua xibhwb rau St. Paul Hmong Alliance Church, MN yuav qhuabqhia rau hmo mission conference uas yog hnuv Wednesday, June 30th. Nws yuav qhia txog "Jesus Only...Call To Serve."

Kx. Txawj Teeb Vaj ua xibhwb rau Modesto Hmong Alliance Church, CA yuav qhuabqhia rau hnuv Thursday, July 1 thaum sawvntxov. Nws yuav qhia txog "Jesus Only...the source of our hope."

Kx. Nom Lwm Kwm uas yog Thawj Tsavxwm HKM, nws yuav qhuabqhia rau hnuv Thursday, July 1st thaum tsausntuj. Nws yuav qhia txog "Jesus Only...the source for the lost."

Thov Vajtswv

Hnuv Friday, July 2nd thaum sawvntxov yuav muaj kev thov Vajtswv rau cov tsavxwm tshiab thiab rau cov neeg muaj mob. Thov caw nej cov uas muaj mob tuaj nrog peb koom rau hnuv no. Yuav muaj cov xibhwb pab thov Vajtswv rau nej.

Nco ntsoov thov Vajtswv pab rau lub rooj sablaj txwm xyoo kom mus tau rau qhov zoo, vim xyoo no peb yuav muaj kev xaiv tsa coobleej thiab yuav muaj xaiv tus thawj tsavxwm tshiab. Ntxiv rau no nco ntsoov thov Vajtswv pab rau cov xibhwb qhuabqhia kom lawv muaj Vajtswv tus ntsujplig coj. Thiab thov rau sawvdaws txoj kev mus los kom nojqab nyob zoo thiab kom yog ibqhov koobhmoov rau cov neeg ua tuaj ua haujlwm hauv lub hotel uas peb siv ntawd.

Cov Xibhwb Qhuab Qhia

Dr. Txawj Teeb Vaj ua xibhwb rau pawg ntseeg Hmong American Alliance Church, MN. Nws yuav qhuabqhia txog "Jesus Only...the source of our leadership." Nws yuav qhia rau hnuv Sunday, June 27th thaum tsausntuj.

Dr. Xeev Neeb Hawj ua xibhwb rau First United Hmong Alliance Church nyob Broomfield, CO. Nws yuav qhuabqhia txog "Jesus Only...the source of our knowledge." Nws yuav qhia rau hnuv Monday, July 28th thaum sawvntxov.

Kx. Ntxoov Xeeb Yaaj nyob Milwaukee, WI yuav qhuabqhia rau hnuv Monday, July 28th thaum tsausntuj. Nws yuav qhia txog "Jesus Only...the source of our blessings."

Kx. Nom Xyooj Hawj ua xibhwb rau Denver Hmong Alliance Church, CO yuav qhuabqhia rau hnuv Tuesday, June 29th thaum sawvntxov. Nws yuav qhia txog "Jesus Only...the source of our life."

Dr. Tsaav Nyaj Kwm nyob Newton, NC yuav qhuabqhia rau hnuv Tuesday, June 29th thaum tsausntuj. Nws yuav qhia



Xibhwb Rooj Cobqhia

Peb coob tus xav paub saib txhua xyoo cov xibhwb mus cobqhia yog lawv kawm txog dabtsi? Ua cas lub neej pheej tsis hloov li. Cia kuv qhia rau peb li no. Xibhwb lub rooj cobqhia muaj peb yam nyob rau hauv.

Qhov ib yog mus kho lawv lubneej rov rau Vajtswv. Lawv rov mus nrog Vajtswv sib tham thiab qhia lawv tej teebmeem rau Vajtswv. Yuav muaj ibtug xibhwb los qhuabqhia kom lawv hlub Vajtswv.

Qhov ob yog sib tham txog Vajtswv tes haujlwm uas Vajtswv muab tso rau lawv ua nyob hauv HKM. Lawv yuav koom tes li cas thiaj yuav pab tau cov ntseeg. Tej

teebmeem uas lawv ntsib yog dabtsi? Lawv yuav sib pab li cas thiaj kho tau tej teeb meem ntawd. Thawj Tsavxwm yuav qhia txog tej teebmeem uas yuav tau kho lossis hloov, tsis hais kev ua haujlwm lossis kev tswjhw. Cov xibhwb yuav tau update tej yam uas yuav tsum tau paub.

Qhov peb yog kev sib raug zoo. Cov xibhwb yuav tsum tuaj uake cog kev phoojywg es lawv thiaj paub sib hlub sib pab.

Xyoo no peb yuav kawm txog Hmong philosophy of ministry thiab xibhwb txoj kev ua haujlwm yuav tsum balance. Ntxiv rau no peb yuav tham txog tej teebmeem hauv pawg ntseeg yog dabtsi.

Kev Daws Teebmeem

Muaj ib yam uas peb pheej khiav tsis dhau yog kev daws teebmeem ntawm pawg ntseeg. Yuav luag txhua xyoo yeej muaj li ib ob pawg ntseeg muaj teebmeem thiab kom HKM mus daws. Tiamsis qhov tseeb tiag cov teebmeem hauv pawg ntseeg yuav tsum yog pawg ntseeg daws. Cov txwjlaug tes haujlwm yog saib kev qhuabntuas (discipline) ntawm pawg ntseeg kom sawvdaws ua tau lub neej pub rau tus Tswv Yexus. Vim li no thiaj yuav tau muaj kev cobqhia txog kev daws teebmeem raws li C&MA txoj cai rau sawvdaws kom cov txwjlaug paub daws teebmeem hauv pawg ntseeg. Raws li peb twb kawm los lawm muaj ntau yam, tiamsis kuv muab peb yam tseemceeb rau peb li no.

1. Cov tswvcuab tsis muaj cai yuav rho xibhwb tawm. Tsuas yog lub rooj tsavxwm ntawm pawg ntseeg xwb thiaj muaj cai tiamsis yuav tsum yog Thawj Tsavxwm nrog pom zoo. Lub rooj tsavxwm yuav tau qhia rau Thawj Tsavxwm paub uantej txhua zaus yuav tham txog kev rho xibhwb. Yog Thawj Tsavxwm kho tsis tau lawm, Thawj Tsavxwm li mam tsocai rau lub rooj tsavxwm rho. Thawj Tsavxwm muaj cai yuav rho xibhwb tibyam nkaus yog cov DEXCOM nrog pom zoo. Yav tag los pheej muaj tej pab tswvcuab sau npe thov rho xibhwb tawm. Thov txhob ua li no lawm nws tsis raws li kev ntseeg.

2. HKM tsis muaj cai tuaj rho tswvcuab hauv pawg ntseeg tsuas yog lub rooj tsavxwm hauv pawg ntseeg xwb thiaj muaj cai. Yog li ntawd, txhob xa nej cov teebmeem mus rau HKM daws. Yog muaj teebmeem nej yuav tsum daws. Yav tag los pheej muaj tej pawg ntseeg xa nej tej teebmeem tuaj rau HKM ua rau HKM tsis muaj sijhawm ua Vajtswv haujlwm pab cov pawg ntseeg.

3. Cov xibhwb thiab cov tsavxwm hauv pawg ntseeg yuav tau paub tej Kevcai lijchoj rau tej pawgntseeg kom zoo txhob lam tau lam hla lossis saib tsis muaj nqis. Yog nej hla kevcai lijchoj HKM yuav pab tsis tau thaum muaj teebmeem. Ob yam nyob ze ntawm xibhwb yog phau Vajluskub thiab phau kevcai licho.

Pawg Ntseeg Xav tau Xibhwb

Thov peb nco ntsoov thov Vajtswv pab rau cov pawg ntseeg uas tseem tsis tau muaj xibhwb kom lawv muaj xibhwb lawv thiaj yuav ua tau Vajtswv haujlwm mus. Cov pawg ntseeg ntawd yog li nram no:

Portland Hmong Alliance Church, Portland, OR

Gospel Hmong Alliance Church, Portland, OR

Chico Hmong Alliance Church, Chico, CA

Dallas Fort Worth Hmong Alliance Church, Arlington, TX

Yuba Sutter Hmong Alliance Church, Yuba, CA

Bay City Hmong Alliance Church, Bay City, MI

Fresno Hmong Community Alliance Church, Fresno, CA

Des Moines Hmong Alliance Church, Des Moines, IA

Hmong Hope Church of C&MA, Indianapolis, IN

Hmong Alliance Church, Menomonie, WI



12287 Pennsylvania St.
Thornton, CO 80241
Phone: 303-252-1793
Fax: 303-252-7911
E-Mail:
ds@hmongdistrict.org

Nyiaj Txiag 2009

Pab HKM

Tau	\$713,009.63
Siv	511,824.41
Seem	201,185.22

Pab C&MA

GCF	\$645,077
Others	32,341
CAMA	4,722
Tag nrho	682,140

Pawg ntseeg uas pab nyiaj rau HKM ntau tshaj xyoo 2009 yog:

Sacramento Hmong Alliance Church
\$41,610.03

Pawg ntseeg uas pab nyiaj rau GCF ntau tshaj xyoo 2009 yog:

St. Paul Hmong Alliance Church, \$61,600.00

Thov ua nej txhua pawg ntseeg tsaug uas nej siv zog pab HKM kev ua Vajtswv haujlwm mus rau qhov zoo. Thov Vajtswv foom koobmoov rau nej txhua tus.

*Kx. Nom Lwm Kwm
Thawj Tsavxwm HKM*

Kev Xa Moo Zoo

Lub 7 hli, 2009 tag los pab team nyob Suavteb tau tham txog lub platform tshiab, vim lawv pom hais tias yuav tsis yoojyim zuzus rau lawv kev ua haujlwm nyob yav tomntej. Vim tsis muaj nyiaj txaus yuav register lub platform uas lawv niajnub siv no. Lub platform qub no yog OTS uas mus register rau Suavteb tau ob peb lub xyoo los lawm. Tamsim no Koomhaum Qibsiab (IM) thiaj pom zoo kom pab team nyob Suavteb nrhiav dua lub platform tshiab. Lub platform tshiab no yog ua pajntaub rau Hmoob. Lawv xav tau nyiaj li \$50,000 koj mus nqis peev. IM pom zoo muab Approved Special rau lawv \$50,000. Yog li ntawd, thov nej pab thov Vajtswv rau qhov haujlwm no. Yog leejtwg muaj nyiaj xav pab qhov ministry no, thov nej xa nyiaj rau Koomhaum Qibsiab tau. Nco ntsoov qhia hais tias yog Approved Special rua Hmong Project nyob Suavteb.

Ntxiv rau no pab team nyob Suavteb kuj muaj ib qhov Approved Special ua ib lub tuamtsev rau Hmoob. No yog thawj zaug uas ua tuamtsev rau cov Hmoob uas hais tau peb cov lus. Qhov Approved Special no yog \$35,000. Yog nej leejtwg txaus siab pab thov xa nyiaj mus rau IM tib yam nkaus thiab qhia hais tias yog church building project.

Lub 1 hlis tag no, Lig Hawj nyob Thaitab ua tsheb sib tsoo. Tiamsis ua Vajtswv tsaug uas tsis raug mob li cas. Lub tsheb puas mintsis tiamsis insurance li mam kho. Qhov accident yog motor cycle los tsoo Lig. Nco ntsoov thov Vajtswv rau lawv qhov safety.

Lub 4 hlis Kx. Nyiaj Kaub Lauj nkawv yuav rov los tsev (home assignment). Yuav nyob txog lwm xyoo lub 4 hlis li mam rov qab. Leejtwg xav tau nkawv tuaj ua mission conference thov qhia rau niam Txooj Xyoo paub.

Tais Nruag Hawj yuav tau ib lub tsheb tshiab lawm. Nws siv nws li nyiaj thiab tej nyiaj uas nej pab rau nws. Nco ntsoov thov Vajtswv pub rau Tais Nruag vim HKM pab tsis tau nws kev nojhaus li lub siab xav. Yog nej leejtwg muaj nyiaj los thov xa mus pub rau nws thiab.

Lub 2 hlis, hnubtim 19 mus rau lub 3 hlis, hnubtim 16, cov Tsavxwm HKM ib txhia yuav mus short-term mission rau sab Asia thiab mus txhawb cov missionaries zog raws li Koohaum Qibsiab policy. Thov Vajtswv pab lawv kom ua tau haujlwm zoo.

Thov Vajtswv pub rau peb cov missionary candidates kom lawv npaj tau txhij yuav mus ua tub xa moo zoo. Twb tau ntau xyoo lawm peb xa tsis tau missionary tawm li.

